



FUNDARGERÐ SVEITARSTJÓRNAR

Fimmtudaginn 25. mars 2021 var fundur haldinn í sveitarstjórn Skagastrandar kl 8:30 á skrifstofu sveitarfélagsins.

Á fundinn voru mætt: Halldór Gunnar Ólafsson, Róbert Kristjánsson, Guðmundur Egill Erlendsson, Péturína Laufey Jakobsdóttir og Alexandra Jóhannesdóttir, sveitarstjóri. Kristín Björk Leifsdóttir tók þátt í fundinum í gegnum fjarfundabúnað.

Halldór Gunnar Ólafsson oddviti setti fundinn og stjórnaði honum. Sveitarstjóri ritaði fundargerð.

Dagskrá

1. Skilabréf og álit samstarfsnefndar um sameiningu Blönduósbaðar, Húnavatnshrepps, Skagabyggðar og Sveitarfélagsins Skagastrandar

Tekið til síðari umræðu og afgreiðslu:

Í októbermánuði 2020 samþykktu sveitarstjórnir Blönduósbaðar, Húnavatnshrepps, Skagabyggðar og Sveitarfélagsins Skagastrandar að skipa samstarfsnefnd um sameiningu sveitarfélaganna samkvæmt 1. mgr. 119. gr. sveitarstjórnarlagi.

Samstarfsnefnd hefur skilað álti sínu til sveitarstjórnna með skilabréfi dags. 8. mars.

Samstarfsnefndin hefur komið saman á 9 bókuðum fundum. Samstarfsnefnd skipaði 6 starfshópa sem fjölluðu um málauflokk sveitarfélaganna og lögðu fram efni og upplýsingar í greiningu og tillögugerð. Minnisblöð frá vinnu starfshópa eru aðgengileg á vefsíðu verkefnisins og hefur verkefnið verið kynnt á tveimur íbúafundum.

Það er álit Samstarfsnefndar að fram skuli fara atkvæðagreiðsla meðal íbúa sveitarfélaganna um sameiningu sveitarfélaganna fjögurra í eitt. Lagt er til að atkvæðagreiðsla fari fram laugardaginn 5. júní 2021 í öllum sveitarfélögum. Jafnframt leggur nefndin til að samstarfsnefnd verði falið að undirbúa atkvæðagreiðslu og kynna tillöguna og helstu forsendur fyrir íbúum sveitarfélaganna.



Samstarfsnefndin leggur einnig til við sveitarstjórnirnar að þær lýsi því yfir að þær muni ekki nýta heimild í 2. mgr. 120. gr. sveitarstjórnarlaga, komi til þess að sameiningartillaga verði samþykkt af íbúum í hluta sveitarfélaganna, nema að undangengnu samráði við íbúa. Í því felst að hafni íbúar einhvers sveitarfélaganna tillögu um sameiningu í kosningum, munu aðrar sveitarstjórnir ekki taka ákvörðun um sameiningu þeirra sveitarfélaga án þess að hafnar verði nýjar sameiningarviðræður og kosið að nýju.

Sveitarstjórn Sveitarfélagsins Skagastrondar samþykkir með 5 samhljóða atkvæðum að atkvæðagreiðsla fari fram 5. júní 2021 og felur samstarfsnefnd að undirbúa atkvæðagreiðslu og kynna tillöguna og helstu forsendur fyrir íbúum. Sveitarstjórn lýsir því yfir að hún mun ekki nýta heimild í 2. mgr. í 120. gr. sveitarstjórnarlaga, komi til þess að sameiningartillaga verði samþykkt af íbúum í hluta sveitarfélaganna, nema að undangengnu samráði við íbúa.

Sveitarstjórn leggur áherslu á að fylgt verði þeim áherslum sem fram hafa komið á fundum samstarfsnefndar með þingmönnum og ráðherrum varðandi brýn verkefni í atvinnu- og byggðamálum í Austur-Húnnavatnssýslu. Svo sem stuðningi við stofnun Umhverfisakademíu, uppbyggingu ferðamannastaða, og fjölgun starfa við innheimtuþjónustu sýslumanns á Blönduósi og Vinnumálastofnunar á Skagaströnd.

Þá er að mati sveitarstjórnar mikilvægt að átak verði gert í viðhaldi héraðs- og tengivega með það fyrir augum að tryggja greiðar samgöngur innan nýs sveitarfélags.

2. Fasteignir FISK Seafood á Skagaströnd – staðfesting samninga

Fyrir fundinum lágu fjórir undirritaðir samningar vegna yfirlærislu eftirfarandi eigna í eigu FISK-Seafood ehf. til sveitarfélagsins:

a. Túnbraut 1-3 F213904. Eftirtaldar matseiningar:

- i. 01-0102, Skrifstofa 73,9 fermetrar
- ii. 01-0103, Banki 41,2 fermetrar
- iii. 01-0201, Gistihús 259 fermetrar





b. Túnbraut 1-3 F213904. Eftirfaldar matseiningar:

- i. 01-0302, Skrifstofa 126,5 fermetrar

Eignarhlutum afsalað til sveitarfélagsins endurgjaldslaust og án skilyrða og fer afhending fram við undirritun gjafaafsals þann 17. mars 2021.

c. Oddagata 12 F2138940. Eftirtaldar matseiningar:

- i. 01-0101, Rækjuvinnsla 965,3 fermetrar
- ii. 03-0101, Rækjuvinnsla viðb. 648,4 fermetrar

Eigninni afsalað til sveitarfélagsins endurgjaldslaust við undirritun gjafaafsals þann 17. mars 2021. FISK-Seafood ehf. hefur tímabundinn nýtingar- og afnotarétt af húsnæðinu fram til 1. maí 2021.

d. Hafnarlóð 9 F2139131. Eftirtalin matseining:

- i. 01-0101, Iðnaður 1737,1 fermetrar

Eigninni afsalað til sveitarfélagsins endurgjaldslaust við undirritun gjafaafsals þann 17. mars 2021. FISK-Seafood ehf. hefur tímabundinn nýtingar- og afnotarétt af húsnæðinu fram til 1. maí 2024 og tímabundinn rétt til að ganga um og nýta lóð hússins fram til 1. desember 2026. Gefið verður út stöðuleyfi fyrir fjóra gáma á lóðinni. Þá liggur fyrir fundinum undirritaður leigusamningur milli sveitarfélagsins og FISK-Seafood ehf. vegna tímabundins nýtingar- og afnotaréttar af húsnæðinu dags. 17. mars 2021 í samræmi við framangreint.

Sveitarfélagið ber kostnað við þinglýsingu afsala vegna framangreindra fasteigna. Kostnaðurinn nemur kr. 2.836.760 og er vísað til viðauka við lið 3130 í Eignasjóði.

Sveitarstjórn staðfestir framangreinda samninga samhljóða.

3. Önnur mál

Ekkert var bókað undir þessum lið.



Sveitarstjórn Skagastrandar
Fundargerðir

Fleira var ekki tekið fyrir og fundi slitið kl.9:05

Halldór G. Ólafsson
Halldór G. Ólafsson

Róbert Kristjánsson
Róbert Kristjánsson

Kristín B. Leifsdóttir

Péturína I. Jakobsd.
Péturína Laufey Jakobsdóttir

Guðmundur Egill Erlendsson

Alexandra Jóhannesdóttir
Alexandra Jóhannesdóttir